

KBC THUSO

MAY/LHAPHUL 2022

Regd. No. 19134/88
<https://www.kbc.org.in> NA/220/99
No-G4/Regd. Magazine/
KBCThuso/MNP-81



Nute Mopohna

June Events

Pentecost Day - 05
Environment Day - 12
Pate Nikho - 19

*"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"*

John 17:11



Achasa Nisim April 6, 2022 nin Classic Grande Hotel a "Nangho Pakaija kipah Thanom jingun" ti thupi mangcha in Nunnom Fellowship Nungah 38 vel in Women Department tohgonna noija tilkhouna thu in kikhop na ana neitai.



Tujangvaichong Centre Church chu Convention Mother Church ding in phondoh na 3rd April 22 in Pu General Secretary Rev. Dr. M. Thongkhosei Haokip in ana neitai



CONTENTS

THUMAKAI HO

RUSSIA IN UKRAINE BULU/ <i>Editorial</i>	1
PENTECOST/ <i>Rev. Onkho Haokip</i>	3
KUKI NUMEITE HINKHO/ <i>Rev. Onkho Haokip</i>	6
CHRISTIAN DIHTAH / <i>Rev. Jamkhohou Haokip</i>	8
NUTE MOPOHNA/ <i>Tingneihing Kipgen</i>	12
Mission Column	15
Men Column	21
Women Column	24
YOUTH Column	25
Music Column	25
Diary	30
SERVENTHOOD QUOTES	34
Tahsa leh Lhagao puihingthei Thugolho	35

EDITORIAL BOARD

Chairman : Rev. Tonglet Haokip, President KBC
Editor : Dr. M. Thongkhosei Haokip, General Secretary
Joint Editor : Rev. Lunkhosei Tuboi

Contributing Editors:

1. Rev. Thongkholun Touthang
2. Rev. Lamkeng Lhouvum
3. Rev. Tongmang Haokip
4. Ms. Tingneihing Kipgen
5. Rev. Lunkhosei Tuboi
6. Rev. T. Thangkhosei Haokip

Design & Layout - Hemkholen Haokip
Circular Manager - Ms. Vahboi Baite
Recorder Ms. Vahnunnem Haokip

THUSO LAHMAN

Church/Organisation/Department : Rs. 300/-
Individual : Rs. 200/- (Post a Rs. 250/-)
Indian Overseas Bank, Imphal Branch
A/C No. 073201000000350 IFSC No. IOBA0000732
The General Secretary,
Kuki Baptist Convention,
Opp. D.M. College, Imnphal 795001, Manipur
email: kbcindia@rediffmail.com

Advertisement bolnom hon Mobile No 70895979446
Circulation to kisai lam Mobile No. 9862107393 bolding



RUSSIA IN UKRAINE BULU

EDITORIAL

“Chule nanghon gal kisas le kidou thu thang najah dingu ahi; chingtheyyun lungdong hih un, ijeh inem itile hicheng chu hungsoh tei ding ahi. Ahivangin achaina hilou lai ding ahi. Ijeh inem itileh vai khat le vaikhath, gam khat le gam khat hung kidou vin tin munchom munchoma kel lhan tin, ling kihot ding ahi. Hitihou jouse chu naosonat kipan ahi ” (Matthew 24:6-8)

Tulaiya vannoi leiset a akiha seipen leh akiha jah pen chu Russia ten Ukraine te gal a asat thudol hi ahi. Amaho tenihi tuthah a kipan hilou kum tampi masanga pat a kipan chu ana hitai. 1917 lama Ukraine te adadauva Union of Soviet Socialist Republic (USSR) a pansah uva, 1991 kuma USSR ahungke phat in Russia le Ukraine chu independent gam cheh ahung soh tauvin ahi. Russia chun Ukraine teni anaopa dana ana sim uva ahia lah Ukraine tehin ana theida keiyu ahi.

Ahin, ipijeh a Russia ten gam tuma kipo khat chu ajeh apol kihelouva amoh bulu senjeng ham? Ahilouleh Russia in ipi thanopna aneyiu ahidem? Ajeh tampi umjong le Russia te mitmua Ukraine tehi lhumlam gamkaiho adeh a Europe lang toh kisah thei ding agot joh u hi athimah tenu ahi. Amaho (Russia) langtoh kimat deu President khat chu ana khehsah uva tua President puhi lhumlam lang (west/Europe) lang toh kisa thei jep le Russia

in USSR a ana umkhom lai uva ana kisatpiu North Atlantic Treaty Organisation (NATO) a member khat dinga a kiguonu chu ajah jeh un along hang cheh un ahi.

Russia in tukum 2014 kuma Ukraine gamsunga Russia gammi tamna Crimea chu ana lahdohna diuva mihem 14,000 val jen ana thin ahi akiti. Tukum February a pat a tuni geiya Ukraine te asat nauva hin mihem tampi athinan, ahin ajat chet chu akisei theipon, ahin gamchoma jamlut hi million 5 val ahitai akitie. Mihem jamcheh jong leh tuchunga Ukraine te agam uva kona ajam nauvah Europe gam akinaipihon akot u anahon peh uvin lhunna/gena chuleh neh le cheh phatah anabol peh un ahi. Ning-kum laiya Afghanistan gama Taliban ho hungkona Afghan ho ajamu chun Europe langhon ana lutsah nom beh louvu anahiye.

Hichea kona ipi jildoh thei aumdem? Milen mithupi hohin Russia ho banga amaho dei deiya mi jouse chon ding adeiyu ahin, aneo ho leh ahatmo hodingin adouhah lheh jenge. Kahvah vah leh alen ho thilbol dihlo dou sanga surrender bolding hi bailamjo in amin mi tampi lunggel hinte. Amavang, mi lhomcha khat in vang achungchang u hihen lang midang chungah hijong leh thildih lou aumteng atha-neina jousea douva chuleh thi chan geiya dinpi ding gel aum uve. Amaho tobang jalla thudih/ladiah hi vannoiya umthei hamham ahiye. Christian hinkhoa sei dingin jong ikidoupi Satan jong ahuham lheh jeng chu ahi, hijong le Pakai mina thoh hattah a pan chun galjona eipeh diu ahi ti kinep ding ahi.

Lungluttah a simho le taoho jouse chungah Pathen vangbohna changchah tauhen.





SERMON/ARTICLE

'Pentecost' Greek thucheng a kon'a kiladoh (Greek: πεντηκοστή [ἡμέρα], pentekostē [hēmera], "Nikho somnga") tina ahi. Hichu Christian te a ding'a annjon loupitah a anit kum u ahin, hitobang kipana anjon hi Easter Sunday jou a ni somnga lhing nikho a anit jio ahi. A thusim dol a ivet le Jewish te mim le chang-at lholhun kut 'Shavuot'- Jewish ten lhagao lam kholjin nao/ Mose dan thu a kholjing anit nao golnop tin amin vo un, chuleh solchah hole Jesu seijui ho chung'a lhagao theng kibuh lhah kum tin Solchah lekha bu bung ni sung chun aki mun ahi.

Pentecost kiti jong hi gamdang te adeh a United Kingdom le English pao tho mun dang hochun -Whitsun, Whitsunday chule Whit Sunday tin ajui un ahi.

Christian te ding in, Pentecost kiti hi Houbung pen nikho tin aki phutdet in, hiche hin avetsah chu-lhagao theng van a kon'a ahung kum lhah ni tin aki hei. Chuto kijom a, Jesun Matthew

9: 37-38 sunga amudoh sah khat chu-lousoh ga (harvest) thu asej pen hi thutan achaina (final Judgement) chung chan thu kisei amudoh sah in ahi.

“Chuphat in aseijui te jah a, Chang-at ding atam lneh-in ahivang in natonga alhome. Hijeh chun achang atnaa na dinga natong ho ahinsoldoh na dingin chang neipu henga taovun,”ati.

Tahsan houbung mite hetdan in, ‘Pentecost’ kiti hi lhagao annjon nale huhhing na thu changkhom nikho tin akihei. Hiche thulhon in amudoh sah pen chu- Sinai molchung’a Mose danthu kiseidoh na, houbung kiphudoh na nikho, chule thutan chaina nikho tin aphong doh sah e. Hitobang nikho loupitah hi eiho tahsan chate dia lhagao lam golvah annjon iman nao kiloi-khom na chuleh chonset na a sohchang ihinao va konna pathen in eihuhdoh nao phat chu ahi. Hitobang nikho hi tahsan houbung hon lhagao theng thilpeh phattheina thalhingset na imu nao nikho tin jong akihen ahi.

Chuti ahijeh chun, Solchah hon Jerusalem a lhagao theng thilpeh achang nao phatthei

nale solchah ahinao thalhingset na achang nao, seijui ahinao Jesun namdet anei nale akitepna asuh bulhit nikho chu ahi.

Pentecost nikho chu Jewish te golnop annjon anit nikho, Easter Sunday jou nikho 50th jouva kimang ahi. Chuchi nikho chu Gehu gamasa (wheat harvest) a-lo masat nao va aman jio ahi. Jewish ten golnop anit teng ule, alou soh ho le gamasa ho chu Easter nit nikho le Pathen heng a a hin polut jio ahi. Ahinlah, Pentecost nikho le Gehu (Wheat) gamasa chu Pathen heng a thilpeh masa a ahinpe un; hiche jeh achu, Pentecost nikho hi gamasa nikho tia kimin vo ahi (Numbers 28: 26).

Pentecost nikho chun, thulhun lui a Israel te chun- dan (Law) changna nikho in aneijun chuleh thulhun thah lam’a tahsan houbung ho chun, lhagao ngai-lut na thalhingset a achang nao nikho tin aki he in ahi. Jesu christa athodoh a van a kaltou jou nikho 10 channa nikho a hitobang thilpeh loupitah achang un ahi tin aki sun’e (Acts 1:3), chuleh Jesun’ seijui ho kom a lhagaoheng hung kum nading a pontah a ana nga dio vin thupheh aneijing ahi. Amahon jong Jesu a kitepna chung’a athah



beh a lhagaotheng hung kum di chu atahsan un ahi (John 14: 15-18).

Pakai Jesu in anatoh ding jouse thingpel chan gei'a achai nung in lhagao theng athah beh a achang theina dingun seijui hochu nganse na anei in ahi (John 20:19-23). Jesun' tahsan houbung mite kom a chun; "Pa thutep keiya kon'a na jah-u chu ngah jingun lhagao theng'a baptize na chan dingu ahi" ati (Acts 1:4-5).

Amahon jong Pentecost hung lhung ni chan angh un, ahin phat ichan ngading ham tivang chu ahe pou vin ahi. Ama ho dia gel bailam pen ding chu Pakai Jesu van a akal tou nikho toh kijom a hung ding ham, ahiloule gel dinga chu nithum / ni sagi sung a hung kum di ham ti a agel un ahi. Hinlah amaho gel sang'a phat sao lam ni som jou lang, Pentecost nikho ni 50 sung chan ana ngah doh un ahi.

Peter chu solchah ho jouse thalheng in Pathen thu lhangsap din mipi lah in ading doh in ahi. Het thei khat chu Peter in pathenthu ahin lhangsap

pat chun ama lei hitalou in Pathen lhagao theng natoh na chu ahung kilang in mijouse in ama amapao in ahin kihet thei un ahi. Hiche thilbol kidang tah Peter chung a lhagao theng natoh na chu imu doh thei un, mipi hon jong kidang asao vin ahi. Hitobang lhagaotheng thilpeh, Peter achang na chung a- Pathen toh aki guijop nale Jesu nungjui dinga kipeh lutna dihtah anei ding thu hangsan tah le gunchu tah in aphongdoh in ahi. Hichepet tah chun, Pathen a ding'a ahinkho, alungthim, alungput chule atahsan det dan aphong doh e.

Chutiahijeh chun, Pentecost nikho kihet dan hi - lhagaotheng hung kum nikho seh hilouvin, eiho tahsan chang houbung mite dinga huhhing na kisan nikho le pathen lengam natoh nadia kipeh lutna, kibilphudetna chule Jesu nungjui dih tah ihinao namdet nikho loupitah ahi.

Pathen lenggam a natoh khom pi,
Keima,
Mrs. Hatmary Touthang
Lecturere, STS



Biblical Stewardship

Rev. Th. Touthang
Finance Secretary, KBC.

SERMON/ARTICLE

Bible dung juija nei chin kiti hi Old Testament phat laija koitobang insung apumpia mopohna le tha neina kipe ho natoh hi ahi. hiche hi Adam le Eve phat sunga "Pathenin amani chu phat thei aboh lhonin, hinpha lhonin lang pung lhonin, leiset chung hung dimset lhonin, nathun nunsah lhon tan; chujongle twi khanglen'a nga ho hihen vanlai jola vachate hi leh, chule leiset chungah lhale ganhing jouse hile achunguva thunei vaihomin pang lhontan,"ati. Gen.1:28-30.

Hiche hi neichin kipat na ahi. Hiche neichin lah'a hin Joseph Potiphar insung pumpi sunga neichinga apan hi neichin dihtah hidingin ging chat ahi. Ajeh chu mimasa Adam chu Pathen nganse naa kon in ana losam in kitah louna lheplhah na anachang tan ahi le mijouse chungah sapset na alhun tan ahi. Hichu lhagao thina le tahsa thina chan gei alhunlo tan ahi. Ahin Joseph vang chu Pathen in anganse na aheth jing jehin Potiphar Insung pumpi thanei na jouse kipe ahi vangin lheplhah in aum deh pon ahi. Gen 39.

Amahi thanei najouse kipea nejouse chungah ching theitah a thulhuh na sem dinga Potiphar insung jouse kipe doh ahi tai. Neichin kiti hi insunga sum mandan seh hilouva thiljouse chungah mopohna len chu ahi joi. Adam le Joseph hinkho a mudoh thei jil doh thei chu ahile hinkho lhum keija Pakai ang sunga asun ajanna kitah tah'a kiman chah na ding pah Pakai neichin dan dihtah chu ahi. Joseph le Mary kichen na chung changah jildoh thei kit khat neiching kitah nachu ahile Joseph na inneipi Mary



hi aso kah sea nakitoh khapi
louding ahi ajeh chu ama nu hi
Lhagao thenga konna gai ahi
ti thupeh chu achin tup jinga
kitoh khah pi lou hel a um ahi.
Chuleh Paul hinkhoa Neichin hi
ama hinkho chule amang thai
ding ho hin kho le Houbung
chin tup hi ama mopoh na len
pen in akilangin ahi.

A. Pathen thu dungjuia ne- ichin kiti hi ipi kiseina ham? Or ipi tinaham?

Pathen thu dungjuia a Neichin
kiti N.T. phat a Bible in kichien
tahin hiti hin aseijin ahi, 1Cor.
6: 15; 19-20. Eima tahsa chun-
ga jong Neiching (steward)
ihi cheh uve "Natahsau chu
Christa tibah ahi ti nahet lou-
vaham? Chuti chu ahile Chris-
ta tibah ho chu ilah mangu-
va notijoh tibah a isem dingu
ham? chutiponte. " ...Natah
sao hi a-in theng ahi ti nahet
louvuham? Nangho nanghoa
tum nahipouve; nangho man
kipea kichosa nahitauve, hi-
jeh chun natahsa chunguvah
Pathen choianun" Neichin kiti
thucheng hi Pathen thutoh ki-
toh'a tahsan chate pomdan
mihemten Leiset le asung'a
thil um jouse avetsui ding,
aching tupding, angatup ding,

avengtup ding, asem phading,
akhantou sah dinga mopoh na
jouse anganse ahi. Definition of
stewardship stewardship is one
of the most important concepts
we can define. According to
Merriam Webster, stewardship
is "the conducting, supervising,
or managing of something; es-
pecially the careful and respon-
sible management of something
entrusted to one's care"

Neichin kiti Gollui pao va natoh
min kiseina khat jong ahin, hichu
mikhat chun midang khat thil
ahilou le neile gou khat avet tup
achin tup peh, ahiloule chingthei
tah'a amanchahna tina ahi. Nang
jengjong hetlou kah'a minei le
gou khat chungu mopohna nei
nahung hi thei ahi. Achingtup,
vetup a hung pang thei nahie.
Chule alhangpia phatmandan,
(time management) iboltheina
(talent) chule Treasurer neile
gou hojouse hoitah'a dihtah'a
vettup chin tup hichu NEICHIN
(STEWARDSHIP) kiti chu ahi.

R.C. Sproul in hiti hin ana podoh-
hin ahi. Neichin kiti hi Pathen
thilsem ho jouse chungu vai-
homna mopohna Pathen nganse
na dungjuia ja vet suiia phatah a
venbit ding semphat ding tina
ahi. Mopohna, venthemna, Man-
dan themna, athilsem sa susel-
ouva semhoi ding Not to abuse

but Beautifying bol ding ahi ati. *B. Bill Peel kitipa hin Eassay khat ajih in a title chu ahi le "Leadership Is Stewardship". Atin ahi. Ama essay hin eiho Christian te Bible dungju'i'a nasatah a ikitho pi theina diu aum in ahi. Peel in aseina ahin "Stewardship" Chung changa hin danpi chena lhongpi li (4 Principles of Stewardship) tin asejijn ahi.*

B. 1. The principle of Ownership (Aneipa hi na): Deut.8:18;

Psa.24:1; Ezek. 18:4; Haggai. 2: 8. "Owner have right and Stewards have responsibilities."

Psalmist sunpan Van le Leiset le asunga thil'um jouse aboncha Pakaija ahin, chule asunga cheng jouse jong abon cha Pakaija ahi tin apan nin ahi. Hiche in avetsah chu ahile eiho hi anei khat cha ium pouve ti kichen tahin ahilin ahi. "The earth is the LORD's, and everthing in it, the world, and all who live in it."Psa. 24:1. Semtilbu (Genesis) kipat na ivet leh semtillin Pathenin Van le Leiset le asunga thil umjouse ahin semin chule honlei ngah ding le avengbit dingin Adam kiti mihempa chu ahin koi tan ahi. Hiche hi Stewardship Neichin kipat na abul chu ahung hi tan ahi. Pathen nei chu Mihe-

min ahin vettup a ahoi na khan tou na Development natosh chu ahin pat'a Manager natosh jong ahin pat namun chu ahung hi. Hijeh a hi Neichin stewardship akiti tengle Seingai na thunun na Kipehlnutna Obedience le commitment jong hi mihem khat natosh na dinga Pathen deisah khat jong chu ahi ti imudoh theijun ahi.

B. 2. The principle of responsibility (A toh ding kin'a mopo hina): Matt. 25: 14-30.

Pathenin house tah le kipah taha athilsem jouse ei peh doh jeng vanguvun thil jouse hi aboncha ama hithou thou ahin, eiho amopo avengtup ding le avah khanga asem hoi ding a eikoi jui ahi joi. Aneipa Apupa chun thunei na anei ahin, Chingtup pa avengbit pa chun mopoh na jouse akilah ahi. Eiho hi Pathen Neichinga pang asohte chu ihu ahi aneipa Pathen chun eihohi loupitah le tahsan um tah aveng bit ding, avah khang ding, asemhoi dinga einganse uahi.

B. 3. The Principle of accountability (Tahsan thei tah a mopo hina): Steward kiti hi midang khat thil chingtup vet-up le amang cha a pang anei-

pa hi lou, eihonei hilou Pathen nei chinga pang ihuvin ahi.. Hibanga hi eihojong Pathenin anei vetup dingle ching tup dinga einganse uahin, nikho khat tengle inatoh nao chung cheh'a pathen ang'a itoh ga cheh ipoh lut diu ahi. Chuteng le atam tupa atam atding alhom tupan alhom at ding itoh phat dungjui cheh'a toh man ikisan diu ahi. Gal. 6: 7-9; Rev. 22:12 "Veuvin keima kahung vah ding ahi; chule athilbol achonna dungjui cheh a lethuh-na kapeh ding tohman kakoma aume."

B. 4. The principle of reward (Kipaman kihopna):

Bible ref: Col. 3:23-24; Matt.25:21Col. 3:23-24; Matt. 25: 21-30. "Sohpha tahsan umtah. Nabol aphotave; nangma them khat chungah tahsan umtah nahin. Keiman nangma tamtah chungah kapansah ding nahin; nangma na Pakai kipana'ah luttan." ati.

"God Cares how you use what He gives you" Pathen-in napeh hi iti na namchah em ti hi agel khoh jing ahi. Pathenin eipeh'uhi hoi tah le phatah'a iman diu adei ahi, ajeh chu thiljouse hi amakhut soh ahin ahi.

Bible in eihil uchu ahi le Pathen khut sem jouse hi phatah a mang dingle vengbit dinga chule avai-

cha genthei kithopi dingle angaicha ho a dia pan la dinga eikoi juahi. (1John 3:17-18; Prov. 28:27, 1Tim.5: 8)

Neichin kiti hi aneipa peh kit tahlou ding tina ahapon anei Pa Pathen peh kit ding joh tina ahi. Ajeh chu aman nadei nangaichat jouse napeh jeh'a aneipa nahet them na dinga napeh kit ding ngai ahi. Ipu- ipa teuvin thinglhang gam lou alho tengule agam neipe kai/ Changseo apeh uahi banga Pathen jong ipeh dingu hi ama dei ahi. Ipijeh a Hopsom Pathen ipeh jiu ham? Pathen peh ding lom ipeh lou tengle gucha kiki louva achom ihi jiu ahi ti Bible a akimun ahi. (Malachi 3:10). " .Chuin Abrahamin Melchizedek chu thil jousea konin hopsom'a hop khat apesoh keiye."Gen. 14:20.

Matt.6:2-4;19-21. "Nget le tui- ek in asuhmang thei lou na vanna nagou khol un ati ahi". "store up your treasurer in heaven."

C. Pathen Hopsom peh aphot chomna ho: (Malachi 3: 1- 12; Proverb. 10:22-23)

1. Pathen Houin sunga neh le chah thalhing ahi.

2. Pathen hi Hopsom ipeh leh phattheina eiho dinga twi sun-

na kilha ding ahi.

Nei le gou Damtheina Housatna Inchen nopnahung lhung ding ahi.

3. Lousoh hon soh phat thei changa aga pha hung ga ahi.

4. Anche louhing itu jouse jong dam thei ahi.

5. Hichun sum le pai ahin punsah a inchen kikeh len ahi.

6. Insunga damna le kipa na um ahi.

7. Ule nao kithopi jou thei na hung um doh ahi.

D. Hopsom ipeh loule Hamset na ahi: (Malachi 3: 1- 12; Deut.28: 15-26; Lev.26:14-46)

1. Pathen Hopsom ipeh louteng agu cha kihi lou va anei chom akihi e.

2. Pathen Hopsom ipeh louteng gaosap na kichang ding ahi.

3. Pathen Hopsom ipeh louteng leh Natna veisetna hunglhung ji ahi.

4. Pathen Hopsom ipeh louteng leh Ane mang dingle asumang ding hung lutje ahi.

5. Pathen ipeh dingdol ipeh louteng abah gam ding ahin sol je ahi.

6. Pathen Hopsom ipeh louteng Hospital'a Court'a chule guchan aguh mang ji ahi.

7. Pathen Hopsom ipeh louteng neile gou kikhol na twi bel

avong sa tabang ahi.

Eiho Lamkai jouse hi Pathen Neiching ihicheh uahi. Achunga ihin sei banguva Pathen neiching ihinauva kitahna, seingaina, phat mangthem, neile gou chingtup ihu hinam?KBC neile gou thupi pen hi Bible ban tah a Constitution ichena lhonpiu Danbu ineiju hi dih tah'a chipi ding angai jin ahi.

Thuchaina/khumkhana:

1Tim. 1:12 " ajechchu aman keima ginchat uma eingaitoa, alhachaa eipansah ahitai; tumasanga houtai tom kanahia, abolsea kapanan a asuse hat kanahi jeng vangin, hepina kamu ahitai ; hiti ho chu hettoh lou man le tahsan lou thua kana bol ahijeh chun." Sopite ho Pathen neiching ihinao Adam le Paul anganse na banga nangle keijong nganse na einei'u ahi. Hijeh chun Adam anganse banga lhepna'a lhalouvin, Paul bangin kipaman san nading joh-in kitah tah'a Pakai mai-vea, KBC kivaihom na Constitution danpi Chena lhongpi Som'a khat le Maic-ham 50 % Head Office'a peh ding heimil lou ding chule Pathen thu dungju'i'a KBC iki

phu doh nikho'u 16/3/1958 chepi ding Thupi kistem doh John 17: 11 "Kapa theng eini pum khat ihi banga ama ho jong pum khat ahi thei na dingun nang man ama ho hi hongin" 1. kipumkhatna (Unity), 2. Pathen thu lhangsap (Mission) na toh chule 3. (Service) Lhacha natoh vaicha genthei hahsa kithopi nanatoh, subulhiih ihiuva, avengtup, agelkhoh, asemhoi, khantou machalsah'a pang dingin Paul bangin Houbung sumang dinga hita louva avengtup, achingtup, avahkhang, ding le pathen lungdeija natong dinga ahung kipeh doh bangin nangle keijong Neiching Kitahpa/

kitahnu Sopha tahsan um tah na Pakaipa kipana luttan ti Aw ja dingin kigong utin, pakai ja dingin itoh theichan tong pan taute, Chule eiho Lamkai na phat sungin Pathen Houbung miten Somma khat le maicham thil to ahin to ho sum le pai chung'a thutah thudih chule khantou machalna aum theina dingin pang-utin, alhun na ding a lom lhunsah cheh ding le kikhelna polut dingin kigong ute tia Pakai minna ikitem nao ahi. Pathenin KBC Houbung mithengte jouse le Lamkai mopo ibonchao vin phatthei eiboh tao hen. Amen.



TAHSAN TWILUTNA

14/04/2022



Kotlen Baptist Church, KBC Gambih No. 6 muna numei 4 le pasal 2 agoma mi 6 Pastor Letminlal Khongsai, Gambih Pastor khut a Tahsan twilutna ananei ta uvin ahi.

NUTE MOPOHNA

Miss Tingneihing Kipgen

SERMON/ARTICLE

“Amanu hin abolthei
chan abol ahi.”

(Mark 14:8)

Houbung tinna Nute jouse 2022 Nute Nikho kipana salam kahin peuve. Tukum Nute Nikho ithupi diuva hung kilhengdoh “Amanu hin abolthei chan abol ahi” ti hi ahi. Mark bung 14 chang bul lam chu ivet leh Pakai Jesu thana dinga Juda houlamkai ho thilgon imuvin, chuleh achaina lam a chun a seijui ho lah a Juda Iscariot kiti pan a Pakai pa ana johdohna imuvin ahi. Ahin akim laitah a hiche numei nun Pakai Jesu Christa I alo em itileh thaoman tam tah athengsel gimnam tui tah chu ana nu in ahi. Hichun a Pakai pan hiche numei nu hin abolthei chan keija dinga thilpha tah abol ahi anati a pachatna sang tah ana peh ahi. Tu May Iha hi minute mopohna thupi ainei jutoh Ihon in Nute ho mopohna phabep noija hin chom cha chan ana tah lang uHITE:

1. Pathen ginna leh ngailutna hinkho: Amasa pen a Christian minu khat in anei louva khoh chu Jesu Christa ahi. Ajeh chu Pakai amatah in keilouvin nang hon ima na bol thei pouve atin ahi (John 15:5). Hijeh chun Christa panglouvin ibolthei chan bol a lolhin na ding aum thei pon ahi. Mark a kisei numei nu hin jong Pakai angailutna jal a theitop aso a a Pakai pa dinga thilphatah ana bol doh ahibouve. Hijeh chun minu lolhing hina din Pathen a kipeh lhahna neija Ama ginna leh ngailutna hinkho aman tei angaije. Proverb 19:14 na in “In leh nei le gou hi pu le pa a kon a kilo son ahin, Numei ching tah ji kinei vang hi Pakai peh ahi” atin ahi. Lolhin na ding in Pathen apan angai je.

2. Christian Insungnom semna dinga: Christian insung nom semdoh na ding in minu mopohna alen in ahi. Labol pan ‘insung



nom chu vangam naipen ahi' ana ti hi adih lseh jeng in ahi. Mijousen insung nom akin-gaicha soh kei jin ahi. Ahin tulai hin insung tamtah hi damun meidil abang gam tan ahi. Ajeh chu minu mipa tam tah in inchen semna a insung luboh a pang din Pathen mun apenom jipou vin ahi. Insung luchanga Pathen apan na insunga chun Christa jana a khat leh khat kijabol tona leh kithungaina um a ahi (Eph. 5:21). Hiti a chu minun jong a innei pu jana leh hebolna anei thei ahi. A chate jong Pathen deileh Pathen thutoh kitoh a akhoukhah thei ding tina ahi. Insunga minun chate Pathen thu ahil a ataopeh jinga umchan pha aneo va patna ahin hil jinga, ama chon chan jeng jong chate vetjui thei tah a hinkho mang minu chun Christian insung nom sem doh na ding in nasatah in pan alathei jin ahi.

3. Thil leh lo, Sum le Pai manthem na lam a: Hoilai hijong leh adeh in insunga sum le pai chuleh nei leh ngaho manthem hi angaikhoh tah khat ahi. Minu ho hi insunga ijakai vetup leh sutup ma pang ahi-

jeh un thil leh lo ho hihen, sum le pai hijong leh minu khat in kitup tah a ahina ding banga aman chah teng leh alhing lel leh alhasam um beh seh lou din tahsan aum in ahi. Proverb 31 na a kisei minu banga Christian minu ho jouse hi insunga nei le nga sum le pai chuleh insung mijouse phatah a manage bol them hi angai jin ahi. Hichena dinga chu idei jouse choh lou ding ingaichat ho bou choh a Chuleh Insung mite jouse phatah a abol diu seipeh a tohvai hop toh peh a thilpha chom boldoh na dinga insung mijouse manchah ding hi minu mopohna lentah khat ahi. Thil leh lo ho jong theng sel a koija ahina ding dol a manchah ngai ahi.

4. Houbung sunga: Tao na leh thilpeh a lamkai ho tosotna, chuleh alhasam ahahsa agenthei kithopina lam a jong mopohna lentah nuten anei jun ahi. Mi kithopina lam bouva mopo hilouvin lamkai hina jong kamopohna ahi ti suh mil lou ding ahi. Hijeh a chu Houbung in lamkai dinga mopoh na eipeh teng leh kison lel na leh thasetna nei louva kipah tah a Pathen hat na leh Pathen chihna song pum a kisan ding ahi.

Chuleh hiche imopohna a chu apha pen leh a hoi pen na pan lah ding ahi.

Houbung in jong Numei ho hi lamkai pan mun peh ding hi nahsah louva koi lou ding ahi. Houbung abang khatna chun Deacon lah a numei pang ho chu lhacha ding, cha om ding leh mijen ding bouva gel a jong aum in ahi. Chuti chu hilou vin thulhuhna sem na leh lung gel seikhom na ho a nute pan lou akhoh dan Houbung in a gelkhoh angai jin ahi. Numei hon Pakai lenggam a dinga abolthei chan u bol theina dinga Houbung in kot ahon peh ngai ahi ti asuh mil lou ding deisah ahi.

5. Jalhang hinkho a: Gam kivaipohna ho a jong numei hon abolthei chan abol na diu akihong tan ahi. Hijeh a chu gamsung khantouna ding, namsung khantouna ding, society khantouna dinga chuleh cham na leh lung mon na aum theina ding in minu ho kidal se louvin ibol thei chan bol ding in pan lao hite.

Pathen in asemsa mihem ho hi thilpha bol na ding leh agam keh letna ding in amang nom cheh in ahi. Hiti a chu numei hon Pakai leh agam a dinga, Insungading leh jalhang hinkho a jong ibol thei chan boldinga ngansena chang ihinao geldoh jinga theitop so a pan la ding in ikitem un ahi. Chuleh Houbung leh Society in jong numei/minu ho hi mun peh ding hi gelkhoh angai jin ahi. Mark in a minpha numei nu hi Pakai angailutna leh akipum peh na a chu abolthei chan na thilpha ana bol na a seijui ho ana phun un ahi. Ahivang in Pakai Jesun limsah hih un hiche numei nu hin keija dinga thilpha tah thei top so a abol ahi. Hijeh a chu hiche nu thil pha bol hi vannoiija kipana thupha kikap phong na chan a amanu hetjing na dinga kisei doh ji ding ahi ana tin ahi. Hiti chun Pakai jin pachatna sangtah ana pen ahi. Hitobang chun tulai jin numei hon jong Pakai leng gam ding a thiulpha bol na dinga ei taimo leh eijah da ana um khah tah jong leh ngailutna leh kiphal theng napum in lung lhadah lou vin theitop so in pan lao hite.





SIKKIM LE NEPAL MISSION FIELD VISIT

24th – 31st March 2022

Rev. Lamkeng Lhouvum,
Mission Secretary
Mission Column

THUMAKAI :

KBC Mission Field inei hou lah a Nepal hi lamkai masa hole houbung miten hatah a anagel khoh u khat ahito kilhon in 1988 apat 2013 chan chu Nepal gam'a Pathen na itohnao kum 25 Silver Jubilee jong ina mang taovin ahi.

Jubilee iman utoh kilhon in ama ho cheng houbung 13 tobang hi Christa a Pilhing ama ho keng in dingjou taovinte ti gel in ina tohnao lui Jhapa le illam dist. dalhan tuhin Panchthar dist. A na itong kittaovin ahi.

Tuhin idalhah u houbung hi ivetle alhasam khat le ni um jong le abang bang vang pilhingtah tah in aum doh thei taovin, KBC – Mission na itohgao ahin Pathen thangvah in aum'e Hallelujah

Field visit Report chomkim

Date 24-3-22 jinglam 6:00 Am in KBC office mun'a Rev. Th Touthang – Fin. Secy. KBC in lungmon umtah taona eimanpeh un ahi. 7:30 Am in C/C Kangpokpi men Dept. hon breakfast tui-tah einehsah un kakipah uve.

NAGALAND BANDH UM

Nagaland galkaija Amrajan Assam a jing an nehding lunggel aum jing laiijin Dzuko Valley mun a Manipur Govt. Security akoiju deilou jeh in bandh ana um in, nidan kahkhat sung bou lampi chu nidan 6 lut in Paren dist. Lang a kavel un vangset umtah in Pu Thangkholun – Vice Chairman tahsa damlou jeh in inlam a Nagaland apat ahung kiletan ahi.

AMRAJAN MISSION CENTRE

Amarajan Mission Centre mun a Evan. Thangkholun in anneh

eina sem peh uvin – Kids Academy Tuition Centre a ding Oja ho interview chomcha akibol in, Rev. Tongmang in hiche mun a inatoh nao machalna din taona amang in ahi.

REV. BOIPU SERTO TOH KIMUTONA



Rev. Boipu – Mission Secy. CBCNEI toh kihoulim na kichaijin kel-lap(Breakfast) tuitah einehsah un ahi. CBC Mission a konin Cha leh Nehthei tuitah egonpeh peh un ahi. Chuleh Dr. Ngamjahao Kipgen & Family in jiong CBCNEI Hotwelá gena man jong ei poh doh peh un ama ho chungá kipa thu sang tah in aki phongin ahi.

PU KHAILEN HAOKIP LE INSUNG MITEN

Jing an tuitah (Kelsa me) einehsah un oivatah in kahin dalha taove. Pathen in athilpha bolnaova phatthei boh jing tauhen. Pu Khailen Haokip hi Kangpipi Centre Church a kon ahin, Railway office a natong ahiuvin amao family ho jallin Pathen thang vah in umhen/

(L) REV. D. ATHANG FAMILY VILNA

Rev. D. Athang ahink- ho anabei tajong le ama tohban tong dia Silliguri mun a umjing a insung mite vilna le





kihoulimna chule Himalayan Children home abol u jong vilna akineijin Men Dept. akon in jong thilpeh aneijun, amaho jong akipah l'eh jeng un thilpeh le anneh, lhunna phatah in eisempeh un, ama ho chung a kipathu kahin seije.

Pathen in atohnao phatthei bohbe jing taken.

DENTAM SIKKIM

Sikkim gam hi gam hahsa gam heltah hijong le Dentam Sikkim hi munnop khat ahi. Hiche munna hi Rev. Senpu le a inneipi ana um masa lhon a ningkum a chu Missionary Stephen Lunkhugin le a inneipi ana chelhon ahi. Houbung mi tahsan akibe jing in ahin Church building vang inei naipouvin ahi. Houin munding akiven - ichoh doh uva isahdoh nadiuvin Pathen heng a tao ute.



Rev. Seipu le aloinu Stephen Lunkhugin le aloinu

BOJEK BAPTIST CHURCH

Mission Field Bojek muna tahsan thah mi 4 akon tuilutna Baptism akineijin mipi tamtah in eihungop uvin. Kaikhomna kaneijun Pakai Anjon Rev. Tongmang akonin kane khom un houin mun pedoh pa chung a kipathu kaseijun - Mipi ankong kasoh khom un twilut ho le kikhop naho mipi le govt. het ding vang anom-pouve.

BIRKUTI BAPTIST CHURCH Nepal

Birkuti Baptist Church mun a hi Evan. Lamtin umna ahi. Aman kipahtah in anneh, twidon, gena touna phate sellin eina bolpeh uvin, mitlhi long in lunghel tah le kipahtah in taona jong amang



in ahi. Hiche mun' a hin Church Fencing leh amun semtup ding ngaichat ahin taona in geldoh u hite.

PU HENKHOGIN@GIDEON VILNA

Pu Henkhogin@Gideon hi eiho Manipur a kon ahi. Nepal gate lut ding apanin eiboipi uvin anneh twidon eibol peh un chule



Bible college dia asah building kaga ve uvin jo a aum a Nepal ten Pathen thu hetna munna ahinman diu deinan Taona ka ki mangkhom un – Talent neitah mi feltah Nepal gam a eimiten ineikhah u Pathen thangvah in um hen.

PANCHTHAR MISSION FIELD

Panchthar Mission Field munna hi Pr. Lunminthang le ainneipi um ahi, houbung mi jong 35 tobang aumin. Church building jong C/C B. Vengnom in 2020 kum chun anasah peh un – Mission natoh machalbe ding deinan Missionary Tongminthang Kipgen hi ahung umndentan ahi. Hiche munna hi tuition centre chule Missionary Pastor te chenna ding jong sah angaijin – Toh ding atamlheh jeng in natong ding ahinsol nadin louneipu heng a tao u hite.



DEURALI BAPTIST CHURCH

Deurali Baptist Church houbung hi Silver Jubilee kiman na mun houbung ahin, Church nomtah hoitah pilhing tah ahitaove – Hiche Houbung Houbung hi Hpubung mite natoh na ga ahin kipa aum lkeh jengin ahi.

REV. DR. PETER KASHUNG VILNA

Rev. Dr. Peter Kashung hi former Manipur Theological College Principal ahin ama hi Manipur a Sopi Tangkhul ho ahi. Silliguri munna hi mun lentah School le Bible College anei ahi. Sikkim - Nepal a Mission na itoh naova kithopi phatah le eipan hu u khat ahi. Amal eh insung mite cha donkhompina eineijun anom chom lkeh jengin ahi.

REV. DT HAOKIP GELDOHNA

Former Gen. Secy. KBC in gelphahlouva eidalhah jeh un ama janale insung mite lunghem pinale taokhomna kahin neijun ahi. Lampi a athusoh kajah phat nun lung hempina Mission Board in akineijin, chuleh Inmun langá Pu S Athang Haokip chairman pu leh Pu Thangkholum Vice Chairman pu jong Ponkhu na ana neilhonin ahi.

Guwahati a lamkai hotoh kimuto na

KBC Houbung miho le nam lamkai phabep toh kimu tona aki-neijin amahon anneh eisempeh un kipa thilpeh jong kapeuvin ahi. Nepal Chemkon khat cheh akipen ahi. Chuleh Ama hon jong Guwahati jan khat khat gena leh An neh man ei peh peh uvin ahi.

1. Pu Jamlal Guite 2. Pu Tongpao Haokip 3. Pu Thangpu Sitlhou
4. Pu Jangchon Lhouvum & Family

Vailhun ankong



Guwahati a konin jingkah matah in aki hungin, Dimapura jingkah an akinen chuin inlang jonin kahung kalson naova gilkel dangchah aki um laijin Nu Lhingcha Vaiphei w/o Pu Neka Vaiphei C/C Sapormeina in eisempheh un ahi. Chuleh Hon ga so ho jong ei peuvin ahi. Amachung ajong kipathu kahin seijou lou akiphongin ahi

KBC Men deparment ho chungga kipa thu phon

Tuchung field visit a KBC Men Department – President le Secretary Rev Tongmang Haokip le Pu Seikho hao Vaiphei in jong ei



kilhon piuvin kipa thu sang tah in kahin phongin ahi. Sikkim gamma Missionary ho Rev Seikhothang @ Senpu Haokip leh Locak Evangelist hi Men Department Sponsored bol ahi jeh in amanin jong thanon than in ei hung kilhonpiuvin ahi. Men Department in Financial a sponsored abol u toh kilhon a boilheh lhon jongle eihung kilhonpi jal un ama ni chung a jong kakipana asang e .Pathen in Kuki Baptist Convention Men Department umpi jing taken.





MEN DEPARTMENT REPORT

*Rev. Tongmang Haokip
Men Department Secretary*

Men Column

2022 PATE NIKHO

Thupi:- “Nolnabei mipa”

Job 1: 1. James 5:11. psalm 37:37-38.

Job kiti mipahi Pathen mitmua nolnabei mipa ahi. Nolnabei kitihi em-
acha sukhkel tohkel bolkel neilou michu nolna bei ahi.

1. Job. Job in pathen agin:-Job hin pathen aginjehle ahinkho sunga
Pathen mitmua lunglheina nunchan khanchan jouse Pathen alungl-
hai jeh in Pathen in amin khat anasem peh in hiche min chu “Nolna
bei mipa” anasah e. eg. Tulai igamsung uva Nute nikho ahiloule Pate
nikho iman phat ule Houbung phabep khat in Year of the Father/Moth-
er ahiloule Best Father/Mother ilhengen hiche tengle epehbang uva
Pathen in Job hi Ur gamsunga ding ahi “Nolnabei mipa” title anapeh
ahi. Eiho jong mihem hina jalin ikibah louna tamtah umjongle Pathen
mitmu ipi title Pathen in eipehnom dinguham? hichu ilungthimma
ipi title nanglenang nakipehnom ham? ahiloule naloi nagol in ipi title
napeh dinga nakigin chat am?.. nolna bei mipa title changsoh keidingin
kahintemuve.

2. Jobin thilse apeldoh:- Job hi Lamse lamle thilse lam peldoh jingmi
ahi. Psalm 1;1-3. hitabonga thilse/lamse thildih lou lamma kikumlou
beh thilse lamma thanopna tampi umjongle Pakai jala kikangse mipa
ahijehin Pathen in phatthei aboh in, goulah a goulupen chate pasal
sagi chule numei thum anei jin hichegoh hilouvin gancho jengjong tam-
pi aneije, Sagongsang sangthum, Kelngoi sangsagi, Bongchal jong
lou kaithei cheh janga, Sangan pijong janga anei jin chule sohle kol-
jong tampi anei jin ahi. Pathen alung alheile leiset neile goujeng jong
Pathen na konna kimuthei ahi. Tulaijin Pathen panglouva neile gou
lamding lungthim tampi aume, ahinai Pathen panglouva jong neile gou

jengjong lamthei ahi, ahinla akhon nile hiho jouse chu kanale lunggim-na hung pangthei jeng ahiuve.

3. Job Maicham :-Job hin Maicham asemjing jenge. Job hi jingpintah in athoujin achate dingin Maicham asemjinge tulaijin mipa phabeh in jingpi tah in athouvin achate dingin mitlhi long in houin na taona imanguve. Pakai Jesu chu jing pitahin athouvin gamthipma taona ag-amang in ahi. Mark 1:35. hitabanga bol tao mipa chu Pathen in insung phatthei aboh teiding ahi. Lot in maicham asemloule taona aneilou jehin asen angkoi ajingaitah chisong asohin achate nitoh leiset chungga chonthang hoinapen in achonin Pathenle mihemte deilou aboldoh jehin tunigeijin amangtheipoi. Genesis 19:1-37. Insung maicham semjing mipa vang chu a insung khang toujingin tin lhagao lamle tahsalam jengjong hinkho kipana aneiding insung maicham semlou mipa vangchu a insung jenga kipale chamnale alungmonna aneithe louding ahi.

4. Job thohhat:- Job hi ahinkho sunga hahsatna ijat umjong Pakaija lungthoina neilouva Pakaija kinem jinga thoh hamham a pangjingmi ahi. Habbakut 3: 17-18 Pathen na kon na amu neilegou jouse a gan-cha jouse abonna athilhah nung jenga ama tahsa jenga jong gimgenthei ato ni geijin jong a Pathen nungsun ngaipoi. Job in hahsat nale genthei tintang athoh a a Pathen alhasolou jeh in Pathen in neile gou tampi anungpeh kitin chule amajengjong ahinkho avoujang akikhel-sah kitin amelsetnaho jouse melhoi tahin asem kitin ahi. Mihemte hin phat chomkhat hahsatnale gentheina ihinto phat ule Pathen henga taosangin Pathen a kon in gamla tah in inading jitaove hichu hilouva amakom bela kipehlutna Pakai henga taolehen Pathen na kon na phat-theina thalhingset echanding ahi.

Achaina, leiset chungga hin mihem ijatin tamjongle Pathen thilsem in mipate khelding aumpoi. Pathen in athilsem jouse lahazi mipa hi umhen atia hungmoh umjeng ahipoi ama limtabong mong mong a ahinsemma mipa ahinsah ahijeh in mipahi mimantam mithupi miloupi penkhat ahung hitai. Pathen in mihempa anasem jong chu amalimle melbanga anasem ahijeh in analung lheisel in hichu "Nolna bei mipa" a nahitai. Pathen in semtila nasem mipachunga alunglheina chu Job chungga anaphongdoh kit in ahi. Pate jouse hi Pathen mitmu a Nol-nabei mipa hicheh dingin pakai min in temna kahin neije.

Pathen in phatthei boh taken.





2022 Pate nikho

(Father's day)

Programme

Nisim 19th June Sunday jingkah kaikhom:-

1. Vaihom ding : Women chairperson
2. Pathen thangvah na la: H/B la no.69 (Ateh akhang)
3. Phat jouse lhandoh : Mission & Evangelism Chairman
4. Labung : Ch. Choir/Youth Dept(22 Pate Lapi)
5. Thuphun phat : i) H/B secy
ii) Men Dept.
6. Offering etc thenso : Pastor/Head deacon
7. Bible chang simding : Women Secy (Job 1 :1 --8)
8. Thupi saeiding : Guest speaker/Head Deacon
9. Kilhah don na la : H/B La. 67 (Pakai phatthei neilhaovin)
10. kilhah doh na tao : Mipi achaiding Men Chairman.

Taona Geldoh dingho:

- 1) Lom Resource Centre (L R C) alohlin theina ding.
- 2) Convention, Gambih, Houbunga Pate tohgong ho phatea achel-hah nathei ding.
- 3) Convention Gambih Houbunga Men work committee ho ding.
- 4) Pate in Missionary mi 4 (li) kigoiho phate a akigoijou nading.

- (1) Rev. Seikhothang Haokip, Missonary Sikkim.
- (2) Evan Sukaj Missonary Sikkim
- (3) Evan M.Haridas, Meitei Manipur
- (4) Rev. Athang Selto.

N.B: Programme hi jingkah kaikhom na dingbou ahung kigongin sun lenkhom le kitetnaho chule nilhah kaikhom ho anop-na thei chann a eima Houbung cheh a phate a ekigot cheh dinguvin temna kahin neije.



Convention Nute

Ms. Tingneilhing Kipgen

Women Secretary

Women Column

1. Nunnom Fellowship:

KBC Ministry ana kibolkha lou khat Nungah kum 40 a pat chung lam ho ding in kimutona, kitilkhoutona leh taokhom na khat ana kigong in hiche chu "Nunnom Fellowship" akisah in ahi. April 6, 2022 nin Classic Grande Hotel a "Nangho Pakaija kipah Thanom jingun" ti thupi mangcha in hiche Program hi anakimang in mi 38 vel ahung kikhom doh in ahi. Pathen houkhom na, Taokhomna leh kitilkhon na aki nei jin ahi. KBC Women President leh Secretary in tilkhouna thu aseilhon in ahi. Ngailutna ankong umkhomna jong akinei jin ahi. Ahung pang ho jouse Pathen jal in akipah thei lleh un ahi.

2. Bongli Chate Camp: April 14-17, 2022 sung in Bongli Houbunga Good Friday, Easter Sunday chuleh Chate Camp kigomkhom in ana kibol in ahi. Hiche Program a hin Women Secretary leh Missionary Sherlyn Khongsai Speaker hina in Program phatechan ana chelhan Pathen thangvah in umhen!

3. Gambih No. 13 Nute Seminar leh Anngol Taona: April 21-23, 2022 sung in P. Chehjang Houbunga Gambih No. 13 Nute Seminar leh Anngol taona Program ana um in ahi. Hiche Program a hin KBC Women Secretary leh President thusei jin apang lhon in ahi. Gambih sunga Nute 51 vel ahung pang uvin ahi. Khonei Houbung in jong kipana jal in vohcha khat athat un ahung kalsong jouse ankong eisem peh un ahi. Pathen thangvah in umtahn!



YOUTH DEPARTMENT

Rev. Lunkhosei Tuboi,
Secretary, Youth

Youth Column

CHONSET THANEI NA LAH A KHANGDONG TE

THUMAKAI

Vannoija chonset nanei lou koima aum poi, ajeh chu vannoi hi chonset na in atom khum ma chonset na lhalim noija hung khan glen soh kei chu ihi cheh uve, hiche chonset nalah a hung khan glen adeh set na khangdong te ho hin, chonset chu ipi ham ti ihet doh lou uva ahile chonset thahat tah noija soh a hentan ina hi khah diu ahidan mu doh in aum thei jin ahi, hiti jeh chun noija chonset thudolla seiding tam pi um jong le abulpi le alamkai pi pu chonset chithum kahin tah lang nom in ahi.

1. Kiletsah hi chonset ahi

Kiletsah na kiti hi Pathen deh na ahin, Pathen toh kikhen na ahi, Kiletsah na vaihom na mun na, cham na aum pon, kingailut na jong akimu joupon ahi, Kiletsah thanei na hi chonset bulpi le lamkai pipu a pang'a mihem te adeh a khangdong te hinkho nasatah a asuh set jou ahi. Kiletasah jeh a mihem le Pathen kikhen na um ahin, tuni chan na Mihem le Mihem kikah a jong kikhen na um jing nalai a, Namkhat le phungkhat kikah keu hilouva insung jeng'a jong kikhen tel na um jing nalai ahi. Chonset thanei na chu kibungkhen, loitum sem, kilangkhin kimit thip chule adang

dang ho jong chu ahinalaije. Hitabang kiletsah chonset nalah a Khangdong khat chu kitomdoh joulouva kiletsah na thisan phul chun akan chah ji teng le set na tampi pi abol doh jouji ahi. Adeh a satan in Khangdongte ho hinkho a hi hiche kiletsah nahi aman chah ji a thilpha lou tampi abol doh sah ji ahi ti kasei nom me. Hiche Kiletsah nahin Pathen thu hihen Mihem thu hijong le thunun na apeh ji lou ahi, thunun na akinei ji lou teng chule thilse hung kon doh ji a kinah na kibao na chule kichom khin na hung peng doh ji ahi.

Adam le Eve jong chu Pathen thu apel keh jeh a Eden hon na kon na nodoh a um lo lhon na Pathen toh tonsot chan geija kikhen dia um kha lo lhon ahitai. Hitabang chonset na lah a Khangdong khat chun jamdoh jou lou na aneija ahile ama nu ama pa jong chu Pathen toh kikhen lo na a ahin neija tonsot thina achan pi lo dia um a ahi. Proverb 22:4 na khu ivet na ahile "Kineo sah le Pakai ginjeh a kipa man chu Hao na jouse Jabolna chule hin na ahiye" tin akisun in ahi. Achuti le Kiletsah jojou thei nadia manchah phapen chu Kineo sah na chu ahin, Kiletsah nan Kineo sah na chungu tha anei jou lou ahi. vetsah nan Pakai Jesu Christa chun A Vanlal tou na loupitah le A Thunei na chule A Loupi na ho jouse ahin dalhah a lei noi nungpen Bethlehem Gan Ankong'a chu ponse a hung kijel la Naosen na hung pen'a kiletsah gal chu ahung sat ahi ti ihe cheh u ve. Hiti jeh chun Kiletsah na chonset gal sat nadin Kineo sah na hinkho hi Khangdong ho hinkho a jilthem ma manchah lou akhoh l'heh jeng in ahi.

2. Engset, thangset, thangthip na hi chonset ahi

Mit na muphah hilou, akimu thei lou ahivang'a chonset lamkai pi pu a pang chu engset thangset, chule thangthip naho hi ahikit in ahi, hiche hi mihem hinkho puise a pang chule Pathen to jong um khom thei lou, Pathen muntheng ahilou le Pathen gam Theng'a jong mun le chan anei lou ahi, hiti jeh chun Pathen in Achapa chang khat seh I Pakai u Jesu Christa chu, leiset mite dia it lou hel la hongphal tah a ahin peh doh ahi. Hiche Engset chonset na



suh mang le jo jou thei nadia chu Hongphal na hi Pakai jin mu thei dia ihin tah lang pih u chu ahi. Hitabang chonset na engset khanset nahi, tunin leiset chung cheng mihem te hinkho ahin aumjing in vai ahom jing'e ti ihe thei jun ahi. Engset jeh in mi nei mi-nga chung'a khanset na inei jun, chule bol loudia kisei Pathen thu in aphas lou tampi jong ibol doh lo tao vin ahi, hiche engset na chonset nahinkho hi Khangdong ten idou diu ngai ahi, nang-ma khanga hitabang thahat tah chonset na hi najo jouva ahile nang ma jalla chu mitam tah in hiche chonset gal chu ahin jo jou peh ding ahi. Hiti jeh chun Pathen min in hongphal dan jil pum in hiche chonset gal chu sat pan tan tia kahin tep nahiuve.

3. Jousei (Lie) kiti hi chonset ahi.

Jousei kiti hi Eden hon na satan in Adam le Eve chung ahi tulut na, Adam le Eve chun ahin jui pan lhon ahi. Hiche hi satan manchah phattah mit na muthei lou lah a chonset hat tah le Mihem te adia manchah ganthei pen le nom pen tah chu ahung hikha kit tan ahi. Jou kiti hin Thutah asel mang'a adel mang jou ahi. Thutah kiti hi Pathen limle mel kihetdoh na le Pathen limpu tibah khat ahi ti ihe cheh uve.

Khangdong khat hinkho a Thutah kiti aum lou teng tah chule satan in aval lhum ma thutah chu ama hinkho'a aselmang peh ahitai tina ahi. Thutah a hinkho mang lou mihem khat chun Asempa limle mel aja bol lou ahin, chule Pathen chu ahinkho'a aki lhon khompi nom lou avet sah ahi. Mihem khat chun joule nal ahin man teng tah chule koima tahsan na achang jou jipon chule koima ginchat nale lungset khoto na jong achang jouji pon ahi. Mihem le Mihem kihak a bon kitah san na aum jou tah louva ahile Pathen in iti ei-tahsan thei ding u hitam. Tulai adeh in Kuki chate lah a Khangdong ho deh deh hinkho akivet na ahile, kitah na akimu jou tapon ahi. Insung, Khosunga, Houbung sunga, chule Namsung'a thutah akimu jou tapon ahi. Hiti jeh in mi noise ichang tao vin, mi vet nem ichang taovin ahi. Jousei jeh in Khosung'a thutah akimu jou tapon, kitahsan to na abei tan ahi,

kitahsan to na aum tah lou jeh in kingailut nale kikho to na jong abei gam tan, Kinngailut na akihol mo phat in kibungkhen nale kinah kibao na asoh doh gam tan ahi. Hiti chu ahile ipi dia nangman Jousei kiti hi naman chah nah lai ding ham? Nanu napa, napi napu te le naloi nagol nasopi ho lhep na in nahin mang in, Jousei jin nahung machal lheh jeng tai, satan manchah hoipen tah chu nakituh chah kheh in aum in ahi, hitabang Jousei chonset hi khangdong nangma hinkho'a akon na najam sen angaijin ahi. Bible a Khangdong Joseph hinkho chu nahe e. (Genesis 39:8-9) "Hitabang chonset nalen tah hi Ka bol'a Ka Pathen douna a iti chonset ding ham tia chonset ajam sen chun Pathen in Joseph chu songkul geijin aum pin, Pharaoh lengpa angsung jenga jong adin pin ahi, soh adia kivul pa chu, Pathen in adin pi phat in, Egypt gamsung pumpi a Prime Minister din mun chan ahin tuh thei in ahi. Hiche jeh chun thanei tah chonset jousei jamsen jou theina thutah chu kolchah in lang tuh det jing in din pin kati ahi.

Achainan:

Tampi sei ding um jong le leiset hi chonset nan pum lo a alodim na mun ahitan, hiti ho lah a hung khanglen ding khangdong khangthah ten, Kineo sah pum le kitah na nei pum ma chule hong phal tah a chonset gal chu isat diu deisah ahi. Tunin Mit na muthei chonset ga tampi igam sung uva ahung ga doh tan, muthei jin ahung um gam tan ahi. Hiche ho chu, Eima le eima them kichen nom na chonset, Judon, jukham, eltol golnop, huh le jon, guchat na chule kham nathei jap chom chom Kani (poppy) kiti ho sei jou lou chonset na aga ho chu ahung machal jing tai. Hitabang chonset thanei na lah a hinkho mang khangdong khat nahi jeh in chingthei jin, Pakai ja din kitah tah in hinkho mang jing in, suh ling hoi hilou vin pang in, gunchu tah in na chu tong in, ilhah sam pi lou u va ahile aphant cha aga chu ikilo diu ahi. (1 Cor. 15:58). Mihem in chonset kilhen sang in chonphat kilhen aphajoi.





MUSIC

Music Column

UMS Music Studio le Music Mobilization Program *machal jing*

Kuki Baptist Convention Music Committee toh gon nanoija kigong UMS Music Studio Program chu Pathen lungset in ama chal jing in ahi, Hiche to kilhon in Houbung la Apps a semdoh nadia toh gong kigong Houbungla Recording Program jong ama chal jing in tutu hin Gambih No.1 in recording abol jing lai u ahi, Gambih dang in jong ahin bol jom jing thei nadin lajil na jong phat ten lou vin aneijing un ahi, hiche Recording Program hi ama chal jinga alolhin thei nadin muntin na Houbung miten na tao nao vin hin gel doh jing un tin Pakai min in kahin tem cheh uve.

Chule KBC Houbung sunga Music lam amachal be jing thei nading le ikhan tou pi thei jing nadiu vin Music Mobilization Program jong akigong jing in, Pathen lungset najallin KBC GAmboh No. 8,9,10, chule 11 hopsunga akhat vei chan na chu ana kichai thei jin ahi, maban na ahung lhung ding Nisim 21 May 22 teng le KBC Centre Church Langol mun na Gambih No. 1,2,7,17, le 22 hop ma anivei chan na kibol kit ding, Nisim 28th May 22 teng le KBC Centre Church KPI a athumvei chan'a chu Gambih No. 4, 5,6, chule 23 hop ma kibol kit ding ahitai.

Pathen jalla imachal jing nao akimun Pathen I thangvah uve, maban na jong alolhin tou jing peh theina din tao na gel doh cheh u hite tia ikitep cheh u ahi.

Kakipah'e

Pakai lhacha

Rev. Lunkhosei Tuboi

Youth & Music Secretary, KBC

42th GENERAL ASSEMBLY

MANIPUR BAPTIST CONVERSATION,

LOLHING TAH A KICHAITA

Nisim 29-30 th April 2022 Sunga 42th General Assembly Manipur Baptist conversation chu Pathen lungset in akichaitan ahi.

Immanuel Baptist Church Rongmei Naga Baptist Association Tamenglong, Houbung hon Host ana bollun MBC noiya kiloi khom Association 29 ho lah a konin Assembly Member mi 200 chung lam ahung kikhom doh in ahi.

Hiche kina dingin KBC tha lhengin Mi 7 Rev Dr M Thongkholsei Haokip, Rev Thongkholun Touthang, Rev Lamkeng Lhouvum, Rev Tongmang Haokip, Pu Thomas Guite le Pu Haothenlal Doungel akikal songin ahi.

Office a kona vailhahna chu Rev Seiboi Tuboi Taona amangin chuin 10.00 am a konin Tamenglong jonin kache taovin ahi.

Noney Khel jep a konin Tamenglong Lampi Short cut lampi kajuijun lampi kismetil ahi jeh chun ahah sa thim lseh jengin ahi.*Hijong leh Pathen lungset in damsel chan nidan 2.30 pm donin Tamenglong District H/Q kalhung thei taovin ahi Nilhah kaikhomna ho nom tah in kiman chah na akineijin chuleh Model Baptist Church, Guest House a ei lhunsah un nom tah in jan chol dona akineijin ahi.

Nisim 30 nikhon 7.00 am a Assembly akipanin 12. 30 noon in khumkha ahitai.

Tuchung melchih thei chu Rev Dr. Letthang Haokip Principal MTC chu Term kichai tan, ama khel din Rev Dr. Kenedy Paumai Vice Principal MTC chu Principal din lhen doh ahitai.

MBC President din Rev RS Onesima Lhendoh ahin, Vice Pres-



ident din Rev Lungholal Kipgen TBA chu 2022-2023 a din lhen doh ahitai.

Hiti chu 12.00 noon a konin Imphal lam kahin jonun ahi. Lam-dangmei Khomun a Cha kahin don paovin, 6.00 pm in Imphal kahung lhung taovin ahi.

Pathen in iki loikhom nao MBC/ KBC phat thei boh jing taken

KIPA THUPHON



KBC Mission Field Tripura muna tahsan thah Pathen lungset in aki be jingin Kipa thu sang tah in aki phongin ahi. Pastor Seikholen leh team ho tha-nom tahbin kitho khomin apang jinguvin ahi. Hijeh chun tunin, Emprut cherra Baptist Church Tripura a tahsan khat ana kibe dungjui in twilut na kin kana nei un ahi. Milim semthu Pathen jong kana golhah peh un ahi. Pathen in alha chate ho hin mang cha jing tao hen.

GOOD FRIDAY KIMAN CHAH NA

Aishi Baptist Church in tukum Good Friday kin sung ah Speaker ,Pastor Ngampao Haokip, Molnoi (Myanmar) ana kimang in 14th April, 2022 jan kaikhom kikhen in Aishi Haosapu in mun ah Village Authority ho le Deacon Board in khosung le houbung sung kitup nading le Pi Rebecca Haokip (Haosapi) in ana toh na a Promotion amu kipa pi na maicham sem khom na jong ana um e.

Pi Rebecca Haokip (Aishi Haosapi) akon a nute le chapang ho ding von ahin thot ho hop doh na ana um in khomite ana kipah thei lhev uve. Speaker Pu T. Zamkholet Haokip, Aishi Haosapu in jong khomite tilkhon na houlim ana nei jin, Good Friday Speaker pa Pastor Ngampao Haokip, Molnoi (Myanmar) kipana an kong toh Aishi Haosapu le VA ho kom a houbung sound system semhoi nading a kithopi ngaichat na ankong semna jong ana kineije.

Pathen in houbung phat thei boh jing taken.

Lalboi Haokip, Secretary, Aishi Village

Y. NGAHMUN VANGKHO HOU INN KITHENSOTA.



Nisiem dt. 25/02/2022 nikhon Y. Ngahmun hou inn ana kithenso tan ahi. Kin thempu Rev Dr Thongkhosei Haokip. Gen, Secy, KBC. Speaker Rev Tonglet Haokip. Prez KBC. Tilkhouna Rev Thongkholun Touthang. Finance Secy KBC.

Hou inn thenso kichai in sopi ule nao jet le vei a ngailut jalla hung kalsong hotoh ngailut ann kong akisoh khom in ahi.

Gah hetding khatchu, Y. Ngahmun vangkho hi aumtalou Haosapu Pu Yamkholun Haokip haosatna ahin, Hou inn sah (building) hi dt.21/01/2021a kipan ahi. Aphatcha boina umlou a akichai thei jeh in hatchungnung Pathen thangvah in umtaken. Kho le Houbung maban a Pathen in machalna hinpe jing taken.



Kipa thuphon



Gampal Revival Camp

Speaker: Pastor Mangjapao Haokip

Date: 22 April - 25 April, 2022

Gambih no.17 (Chassad Area) tukum sung a tohgon dungjui in Pathen phat najal in Gampal Houbung Gambih sung a agamlha pen Houbung mun a Revival Camp chu lolhingsel in ana kichai tai. Hiche Camp sung a panla ho ahile Gambih lamkai ho chule Gampal Haosapu le khosung aum jousen kipahtah le thanom tahin phat mankhom na anakinei e. Pathen in Gampal Houbung mite umpi jing taken.

Paominthang Haokip. Pastor KBC Gambih no.17

Good Friday Senam Baptist Church No.16,



Pathen jal in Nisim 15/4/22, Good Friday Senam Baptist Church No.16, Numei mi 6, le Pasal mi 4, in Gambih Pastor khut a Twilut na ana nei tauve.

SERVANTHOOD QUOTES

- *“Servant-leadership is more than a concept, it is a fact. Any great leader, by which I also mean an ethical leader of any group, will see herself or himself as a servant of that group and will act accordingly.” - M. Scott Peck*
- *“In the wired world of the twenty-first century, advancing shared values creates value.” -Serve to Lead*
- *The best way to find yourself is to lose yourself in the service of others. -Mahatma Gandhi*
- *“Relationships are never about power, and one way to avoid the will to power is to choose to limit oneself—to serve.” - Wm. Paul Young*
- *“It’s not about trying to find something to help you be a more effective leader. It’s about trying to be a better person. The other will follow.” - James A. Autry in Practicing Servant Leadership*
- *“We make a living by what we get. We make a life by what we give.” - Winston Churchill*
- *“The quality of a true warrior is that he is in service to a purpose greater than himself; that is, to a transcendent cause.” - Robert Bly*
- *Everybody can be great-because anybody can serve. You don’t have to have a college degree to serve. You don’t have to make your subject and verb agree to serve. You only need a heart full of grace. A soul generated by love. -Martin Luther King, Jr.*





Tahsa leh Lhagao puihingthei THUGOLHO

1. *Mi thu la louva ama thuthua bou mapui chu lamkai ahi-pon, Boss joh ahi.*
2. *Thu le la ahoi lou lou viral sah sangin ahoi hoi viral sah ding aphajoi.*
3. *Gamdanga lhagao mangthai dingho pohnat akinei banga kho sunga lhagao mangthai dingho pohnat jong aphai*
4. *Hetna kitihin boltheina eipe theiyin chondan hoiyin jabolna eipe jiuve.*
5. *Hinkho hi midang dei dan bouva akiman leh eima dei dan hinkho akineidoh jou poi.*
6. *E-umna le imopohna mun jousea Pathen min a thil thum thum jeng hi Pathen min kisuhsinsetna ahi.*
7. *Thil phalou boldoh theina dinga kihambolna aum bang in thilpha bolna dinga jong kihambolna ngai ahi.*
8. *Ama lou lai phatea boipihon midang lou laiya hampa amu ji pouve.*
9. *Lou le ai them lou khat kijensah sangin kijen lou aphajoi.*
10. *Machalna ding ahipou leh ol ol a machal jong asepoi*



April 14-17, 2022 sung in Bongli Houbunga Good Friday, Easter Sunday chuleh Chate Camp
Kigom In Women Secretary leh Missionary Sherlyn Khongsai Speakerin ana pang Ihon e.



April 21-23, 2022 sung in P. Chehjang Houbunga Gambih No. 13 Nute Seminar leh Anngol taona ana
um in Women President leh Secretary in Pathen thus tilkhona aga nellhon in ahl.



7th April 2022 nikhoa Moreh a Dr. Colvin Hostel Building. Haolenghai kho mun ahkisa thah chu
Rev. Dr. M. Thongkhosei Hackip in Kot hondoh na ananei tan ahl.



Post Regd. MNP/81

Regd. No. 18134/88



KBC Events muntin houbung a akiman bang in GambhĪ 11 a um T.
Lejang Baptist Church in jong GambhĪ Pastor Rev. Paosei Haokkip toh
kilom tah inGood Friday nikho chu ana mangkhom un ahi.

If undelivered, please return to
The Editor, KBCThuso
Kala Baptist Convention
Opp. DMI College, Imphal - 795001
Contact : 9862633173